



**SCOLA
LUMNEZIA**

365.00

Reglament davart auters gis da scola specials ed occurrenzas

dils 01 da settember 2016 (stan 01-09-2016), vers. 1.1



Reglament davart auters gis da scola specials ed occurrenz

Relaschaus dil Cussegl da scola, ils 01-09-2016.

Las indicaziuns da persunas, funcziuns e professiuns serefereschon ad omisduas schlatteinas, aschi lunsch ch'ei seresulta buca enzatgei auter ord il senn da quest reglament.

I. Emprem e davos gi da scola

Art. 1 Emprem gi da scola per la scoletta e scola primara

- ^{1.} Per la scola primara e la scoletta entscheiva igl onn da scola adina comunablamein cun in survetsch divin dil plaid (devoziun) nua ch'era geniturs ed interessai san separticipar. Per ordinari ha quel liug en halla a Cuschnaus.
- ^{2.} Alla fin dalla devoziun drezza in representant dil cussegl da scola entgins plaids als presents.

Art. 2 Emprem gi da scola per il scalem superiur

- ^{1.} Per ils scolars dil scalem superiur entscheiva la scola l'emprema lecziun tiel scolast da classa. Naven dalla secunda lecziun vegn instruiu tenor urari.

Art. 3 Davos gi da scola per la scoletta e scola primara

- ^{1.} La finiziun digl onn da scola per la primara e per la scoletta ei adina comunablamein cun in survetsch divin dil plaid (devoziun) nua ch'era geniturs ed interessai san separticipar. Per ordinari ha quel liug allas 14.45 uras en halla a Cuschnaus.
- ^{2.} Alla fin dalla devoziun drezza in representant dil cussegl da scola entgins plaids als presents e relai tuts ellas vacanzas da stad.

Art. 4 Davos gi da scola per il scalem superiur

- ^{1.} Il davos gi da scola vegn instruiu tenor urari tochen miezdi. Suentermiezdi ei la classa mintgamai tier la PI da classa. La fin digl onn da scola ei per tuts suenter la tiarza lecziun dil suentermiezgi.

II. Rinnada da pupi e cartun

Art. 5 General

- ^{1.} La rinnada da pupi e cartun ha liug duas gadas ad onn, per ordinari la gievgia avonmiezgi avon las vacanzas da primavera ed avon quellas d'atun.
- ^{2.} Il secretariat da scola fixescha ils datums da rinnada ed ei responsabels per l'organisaziun.
- ^{3.} Ils scolars e las PI dallas classa 5.-9. meinan atras la rinnada. Ils scolars rimnan per regla el vischinadi ch'els habiteschan.
- ^{4.} Il gudogn schuber dalla rinnada vegn repartius denter la primara e la superiura ulivamein. (miez e miez).



III. Lavur cumina

Art. 6 General

- ¹ Lavur cumina per la vischnaunca ni in'otra cooperaziun ei pusseviva. Per ina tala lavur drova ei adina il consentiment dil MS.
- ² Il cuoz per lavur cumina astga cuzzar max. 2 gis in vid l'auter. Per onn sa mintga partizun/classa impunder max. 3 gis per far lavur cumina.
- ³ Ils cuosts da transport el liug da lavur ed anavos surpranda la scola sch'el sa buca vegnir organisaus autruisa.

Art. 7 Organisaziun

- ¹ La PI responsabla organisescha tut quei che stat en connex cun la lavur cumina (informaziuns, transports, midadas d'urari, etc.) en coordinaziun cul MS.
- ² L'informaziun als scolars ed als geniturs succeda baul avunda, cunzun sch'ei setracta da midadas d'urari. (turnar pli tard, mezs gis ch'ils scolars han buca scola tenor urari, etc.)

Art. 8 Indemnisaziun

- ¹ L'indemnisaziun per la lavur va cumpleinamein ella cassa da scola.

Art. 9 Cumbinaziuns da classa – cooperaziuns cun autras scolas

- ¹ Cumbinaziuns da classa sco era cooperaziuns cun autras scolas ein pussevivas sche quei fa senn.

Art. 10 Temps/cuoz per lavur cumina

- ¹ Per ordinari valan ils temps d'instrucziun. Cun informaziun correspundenta dils geniturs e cun l'organisaziun dils transports necessaris eis ei denton era pusseivel da partir pli baul e turnar pli tard. Ei drova il consentiment dil MS.

Art. 11 Accumpignament

- ¹ Tut las classas/partiziuns vegnan adina accumpignadas da sil pli pauc duas personas. Per regla ei quei duas PI. Ei quei buca pusseivel sa era ina tiarza persuna surprendre quei pensum. En gliez cass drova ei il consentiment dil MS.

IV. Usits

Art. 12 Buania

- ¹ Igl usit da Buania vegn tgiraus dalla 5./6.clasa. Ils detagls ein reglai el reglament correspondent.

Art. 13 Vendita da pigneuls

- ¹ La davosa classa dil scalem superiuor meina atras la rimnada e la vendita da pigneuls en coordinaziun cul cautechic dalla vischnaunca.
- ² En connex cun la vendita da pigneuls organisescha il scalem superiuor in'occorrenza d'advent en in vischinadi ni l'auter. (ex. producziun, etc.)
- ³ Ina PI da classa dalla 3RS surpranda la responsabladad per l'organisaziun.



Art. 14 Sera da producziun

¹ Il scalem superiur organischescha mintga 3 onns ina sera da producziun. Per l'organisaziun sa il MS installar ina grupp d'organisaziun da 3 PI. Ils scolars duein vegnir integrai commensuradamein ell'organisaziun.

Art. 15 Fiasta da Nadal

¹ La 3RS cun lur PI da classa organischeschan mintg'onn ina digna fiasta da Nadal. Quella ha per regla liug il davos gi da scola avon las vacanzas da Nadal.

V. Determinaziuns finalas

Art. 16 Vigur

¹ Quest reglament entra en vigur cun l'approbaziun entras il Cussegl da scola e vala cun l'entschatta digl onn da scola 2016/17.

² Cun l'entrada en vigur da quest reglament ein las disposiziuns d'auters decrets che stattan en cuntradiziun cun quel abrogadas.

Approbau il reglament entras il Cussegl da scola ils 01-09-2016.

La presidenta:


Elisabeth Lorez

L'actuara:


Evelyn Casanova